



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1248. Usque Ad Annum 1276

**Fleury, Claude**

**August. Vind. [u.a.], 1765**

**VD18 90118243**

§.13. Joannis Vatacii mors.

---

[urn:nbn:de:hbz:466:1-66255](https://nbn-resolving.org/urn:nbn:de:hbz:466:1-66255)

Sæcul. XIII.  
A.C. 1255.

Id. 1253.  
n. ult.

citum ibi versantem. Diploma dabat 7 Dec. 1255. Confirmavit etiam Legati potestatem & jura Constantinopolitano Patriarchæ Latino. Is erat Pantaleon Justinianus nobilis Venetus, cui Papa Innocentius IV. ante biennium tantum munus commiserat, addita legatione per totum Imperium Constantinopolitanum, ita tamen, ut cederet Legato *a latere*, si quis hæc in loca veniret. Simul illi præcepit, ut mille circiter nummorum Sterlingorum selibras ad opem Imperio præstandam mutuas sumeret, ac Ecclesiarum bona pro eis oppignoraret. Nam Latinorum conditio in Romania sicut in Palæstina indies fiebat deterior.

§. XIII.

*Joannis Vatacii mors.*

Imperator Græcus Joannes Ducas Vatacius exeunte Februario anni 1254 a poplexia tactus ex ea obiit prope Nymphæam 30 Oct. anno ætatis sexagesimo secundo, regiminis trigesimo tertio. Ejus solium conscendit filius Theodorus Las-caris tres ac triginta natus annos: nam sub idem tempus vitæ lucem adierat, quo pater agnitus est Imperator. Sedes Patriarchalis vacabat per decessum Manuelis, paulo ante Imperatorem mortui. Successerat Methodio successori Germani, qui Eccle-

Theod. Las-

caris emp.

Georg.

Acrop. n. 32.

p. 55.

Niceph.

Greg. lib. 2.

c. 8. n. 4.

Allat. de

conf. II. c. 14.

n. 5.

Ecclesias reconciliandi consilia cum Papa Gregorio IX. agitaverat. Porro novus Imperator, ut bello contra Bulgaros adesset, coronari maxime cupiebat, sed non poterat nisi per Patriarcham. Mox oculos conjecit in Nicephorum Blemmidam sibi mutuo amore junctum, quo Magistro doctissimus evaserat. Sed Nicephorum patriarchalis dignitas parum tangebatur; ejusque recusationem Imperator ipse haud moleste tulit. Nam Principes volunt Patriarchas submissos sibi & assentantes, quales fere sunt indocti, suis in rationibus nullam ponentes fiduciam: eruditi vero sunt rigidiores, & Dominis obstitunt suis. Sic loquitur historicus Georgius Acropolita.

Sæcul. XIII.

A.C. 1255.

Sup. lib. 80.

§. 17.

Acrop. p. 57.

## §. XIV.

*Continuatio turbarum Universitatis Parisiensis.*

In Gallia Doctores Parisienses allato ad se diplomate *Quasi lignum vitæ*, ac ejus executionem ex mandato Papæ urgentibus Episcopis Aurelianensi & Antifiodorensi, negabant se posse adigi, ut in suum corpus admitterent Religiosos, qui vitæ genus a suo diversum ducerent. Duo Episcopi nulla oppositionum, immo nec appellationis ad Papam ab illis interjectæ ratione habita, anathematis sententiam

Duboulay  
to. 3. p. 37.